

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u skladu sa Programom mjera štednje Vlade Zeničko-dobojskog kantona za 2015. godinu, Vlada Zeničko-dobojskog kantona, na 4. sjednici, održanoj 02.04.2015. godine, d o n o s i

## **ZAKLJUČAK**

### **I.**

Obavezuju se rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da u slučaju povećanog obima poslova i u drugim slučajevima neophodne potrebe izvrše preraspodjelu radnog vremena umjesto dosadašnjeg rada dužeg od punog radnog vremena (prekovremenog rada).

Ukoliko nije moguće vršiti prespodjelu radnog vremena, rukovodioci su dužni organizovati rad u dvije smjene.

### **II.**

Preraspodjela radnog vremena će se izvršiti tako da u određeno vrijeme za rad na radnim mjestima na kojim je pojačan obim poslova radno vrijeme traje duže od 40 sati sedmično, a po prestanku tih poslova da radno vrijeme traje kraće od punog radnog vremena.

### **III.**

Zadužuju se rukovodioci iz tačke I. ovog zaključka da izvrše reviziju prekovremenog rada, te u roku od 10 dana od dana objave Programa mjera štednje Vlade Zeničko-dobojskog kantona za 2015. godinu na web stranici Kantona, dostave izvještaj Vladi.

### **IV.**

Zabranjuje se svako uvođenje i plaćanje prekovremenog rada, osim rada u sudovima i Kantonalnom tužilaštvu u pritvorskim postupcima i to samo za efektivni rad, Ministarstvu unutrašnjih poslova za policijske službenike u skladu sa Zakonom o policijskim službenicima Zeničko-dobojskog kantona i Ministarstvu za obrazovanje, nauku kulturu i sport za rad u nastavi.

### **V.**

Obavezuje se Ministarstvo finansija da sredstva za prekovremeni rad isplaćuje isključivo u skladu sa tačkom IV. ovog Zaključka.

### **VI.**

Ovaj zaključak stupa na snagu danom donošenja.

Broj: 02-\_\_\_\_\_/15  
Datum, 02.04.2015. godine  
Z e n i c a

**PREMIJER**

***Miralem Galijašević***

DOSTAVLJENO:

1x Ministarstvima i drugim tijelima kantonalne uprave,  
1x Kantonalni sud u Zenici, (putem resornog ministarstva),  
1x Općinski sudovi-svima (putem resornog ministarstva),  
1x Kantonalno tužilaštvo/tužiteljstvo (putem resornog ministarstva),  
1x Kantonalno pravobranilaštvo, (putem resornog ministarstva),  
1x svim ustanovama koje se finansiraju u cijelosti ili djelimično iz  
Budžeta Zeničko-dobojskog kantona (putem resornih ministarstava),  
1x Regulirana tijela iz tačke I. ovog zaključka (putem resornog ministarstva),  
1x Stručna služba Vlade,  
1x a/a.